

"মিষ্টি বাচ্চারা -- তোমরা এখন জ্ঞানের তৃতীয় নয়ন প্রাপ্ত করেছ, তোমরা জানো যে প্রতি পাঁচ হাজার বছর পরে ভোলানাথ বাবার দ্বারা আমরা এই জ্ঞান শুনে মানুষ থেকে দেবতা হই।

প্রশ্ন :- জ্ঞানের ধারণা না হওয়ার মূখ্য কারণ কি ?

উত্তর :- বুদ্ধি বিভ্রান্ত হতে থাকে। 'এক' - এর সাথে সম্পূর্ণ যোগ লাগে না। দেহী - অভিমানী না হওয়ার কারণে ধারণা হয় না। বাবা বলেন, বাচ্চারা, কারো সাথে বেশী ঘনিষ্ঠতায় যেও না। একজন আর একজনের নাম রূপকে স্মরণ করো না। এক বাবা, দ্বিতীয় আর কেউ নয় - এই পাঠই পাকা করে নাও, অন্যের পিছনে পড়ো না। বাবার থেকে রায় নিতে থাকো, এতে তোমরা দুঃখ থেকে মুক্ত হয়ে যাবে। ধারণাও ভালো হবে।

গীত : - ভোলানাথের মতো অতুলনীয় আর কেউ নেই

ওম্ শান্তি। ভোলানাথ হলেন দাতা। ভোলানাথ তো শিববাবাকেই বলা হয়। ভোলানাথ অতীতেও ছিলেন। তিনি বরাবর খারাপকে ভালোতে পরিণত করে গেছেন। তিনি আদি - মধ্য এবং অন্তের রহস্য বলে গেছেন তাই ভক্তরা তাঁর বন্দনা করে। তোমরা বাচ্চারা জানো যে, যেই ভোলানাথের গায়ন হয়, যিনি খারাপকে ভালোতে পরিণত করেন, তিনি এখন আমাদের সামনে বসে আছেন। ভক্তরা ভগবানকে স্মরণ করে, তাঁর মহিমা কীর্তন করে আর বাবা এখন তাঁর অভিনয় করছেন। বাবা এসেই বাচ্চাদের তাঁর পরিচয় দিয়েছেন। বাচ্চাদের বুদ্ধিতে বসে গেছে যে, বাবা যা বোঝান তা বরাবর কল্পে কল্পে বোঝান। কল্প - কল্প এসে তিনি এই পতিত দুনিয়াকে পবিত্র করেন। এখন তিনি তাই করছেন। অনেকেই এখন তা জেনেছে। এখনো অনেকেই আছে যারা জানে না যে - আশীর্বাদী বর্ষা নিতে হলে আগের কল্পের মতো এসেই নেবে। তোমরা আগে খোড়াই জানতে যে বাবা এসে আশীর্বাদী বর্ষা দেবে। এখন তোমরা জেনেছো। বরাবর তিনি ভক্তের রক্ষক। তিনিই আদি - মধ্য এবং অন্তের জ্ঞান শোনান। তাঁকে জ্ঞানের সাগর বলা হয়। মনে এই কথাই হয় যে, বরাবর ইনিই ভারতে এসে জন্ম নেন। এনার জন্ম অলৌকিক, এমন গায়ন আছে। ইনি এসেই ভারতবাসীদের পতিত থেকে পবিত্র করেন। পতিত মানুষ যারা ডাকে তারা অবশ্যই বোঝে যে আমরা পবিত্র ছিলাম, এখন পতিত হয়েছি, আবার আমাদের পবিত্র হতে হবে।

এখন বাবার দ্বারা তৃতীয় নয়ন প্রাপ্ত করার কারণে তোমরা এই সবকিছু বুঝতে পেরেছো। বাচ্চারা তোমাদের সারাদিন তোমাদের এই বিচার সাগর মন্থনই চলতে থাকে। সত্যযুগে পবিত্র কারা ছিলো ? বরাবর দেবী দেবতারা পবিত্র ছিলো। সেই সময় অন্য কোনো ধর্ম ছিলো না। দেবতাদের চিত্রও ছিলো কিন্তু অন্য কোনো নাম ছিলো না। এমন বলা হতো না যে চিত্র নেই। শ্রী লক্ষ্মী দেবী আর শ্রী নারায়ণ দেবতা। এখন আর তারা নেই। যখন তাঁরা ছিলেন তখন অন্য কোনো ধর্ম ছিলো না। বাচ্চারা তোমাদের বুদ্ধিতে আছে যে, বাবা আমাদের সত্য কথা শোনান। তাই মানুষ বলে যে এই জ্ঞান তো আমরা আগে শুনি নি কেননা তারা তো এই নাটকের রহস্যই জানে না। তোমরা বলবে যে, এ তো আমরা কল্প - কল্প ধরে শুনে এসেছি। পাঁচ হাজার বছর আগে এই কথা কি শোনাই নি ? তাহলে কেন এই কথা বলো যে, আগে কখনো শুনি নি। আগের কল্পে যিনি শুনিযেছিলেন তাঁর

দ্বারাই তোমরা আবারও শুনছো । খুব ভালোভাবে বোঝানোর দরকার । তোমরা তো পাঁচ হাজার বছর আগেও এই জ্ঞানের কথা শুনেছিলে । দেবতাদের পাঁচ হাজার বছর পূর্ণ হয়েছে । তাঁদের মানুষ থেকে দেবতা কে বানিয়েছিলেন ? এখনো সেই বাবাই আবার তাঁদের বানাবেন । পাঁচ হাজার বছর পরে আবার বাবাকেই আসতে হয় । রাবণের দ্বারা যারা পতিত হয়েছে তাদের পবিত্র করার জন্য । হিন্দি - জিওগ্রাফী অবশ্যই রিপিট হয় । এও তোমরা বুঝতে পারো যে হিন্দি - জিওগ্রাফী রিপিট হয় । সত্যযুগের পরে ত্রেতাএইভাবে চক্র লাগায় মানুষ । এখন কলিযুগের শেষ সময় । একদিকে বিনাশের জ্বালা প্রজ্বলিত অন্যদিকে বাবা এখন এসেছেন নতুন দুনিয়ার স্থাপনের কারণে । এ সেই মহাভারতের লড়াই । বুঝতে পারো যে এতেই মানুষের দুনিয়ার বিনাশ হয়ে যাবে । এ সবাই বুঝতে পারে । পুরানো দুনিয়ার বিনাশ দেখতে আসে । এই মহাভারী মহাভারতের লড়াই পাঁচ হাজার বছর আগেও হয়েছিলো । লাখ বছরের কোনো কথা নয় । এই ভারতই স্বর্গ ছিলো । এই দেবতাদেরই রাজ্য ছিলো । এনারা সত্যযুগের মালিক ছিলেন । চিত্র দেখিয়েও ভালোভাবে বোঝানো হয় তাই এই লক্ষ্মী - নারায়ণে ইত্যাদির চিত্র বানানো হয়েছে । এমনিতে লক্ষ্মী - নারায়ণের চিত্র ভারতে অনেক, তবুও আমরা বানাই, কেন ? আমরা অর্থ সহিত বানাই । এতে সম্পূর্ণ জ্ঞান আছে । মানুষ তো দ্বিধায় থাকে তাই বোঝানো হয় - সত্যযুগে এনাদের রাজত্ব ছিলো । তখন খুব অল্প মানুষ ছিলো যারা সেই যুগ কাটিয়ে এসেছেন তারাই আবার পুনর্জন্মে এসে পবিত্র থেকে পতিত হবেন । এই দুনিয়া এখন তমোপ্রধান এরপর পবিত্র হতে হবে । বোঝানো তো খুবই সহজ । বাবা বলেন, আমি তোমাদের পাঁচ হাজার বছর আগের কাহিনী শোনাচ্ছি । অনেকদিন আগেরএখানে এই লক্ষ্মী - নারায়ণের রাজত্ব ছিলো অথবা ক্রাইস্টের তিন হাজার বছর আগে সত্যযুগ ছিলো । স্বর্গের গড ফাদার স্বর্গ স্থাপন করেছিলেন । ভারতকে বলা হয় প্রাচীন দেশ, এখানে দেবী - দেবতারা রাজত্ব করতেন । গড কৃষ্ণ, গডেস রাধা বলা হয় । রাধা - কৃষ্ণ, লক্ষ্মী - নারায়ণ সত্যযুগে ছিলেন, এরপর রাম - সীতা ত্রেতায়, পাঁচ হাজার বছরের হিসেব - নিকেশ পরিষ্কার । যখন তাঁদের রাজত্ব ছিলো তখন বাকি সমস্ত আত্মারা মুক্তিধামে ছিলো । আত্মা তো অবিনাশী । আত্মার কখনোই বিনাশ হয় না । এই ড্রামাও অবিনাশী । আত্মা ৮৪ জন্মের এই অবিনাশী পার্ট পেয়েছে । এমন ছোটো আত্মাতে সমস্ত পার্ট ভরা আছে । এ কতো আশ্চর্যের কথা, একেই প্রকৃতি বা ঈশ্বরের খেল বলা হয় । কত ছোটো বিন্দু, তাতে ৮৪ জন্মের পার্ট, পাঁচ হাজার বছরের পার্ট এই বিন্দুতেই ভরা আছে । এও অবিনাশী, যা অবশ্যই রিপিট হয় । এ হলো অনেক বড় প্রাকৃতির খেলা । পরমাত্মাও যেমন বিন্দু, আত্মাও তেমনই বিন্দু । কিন্তু পরমাত্মা হলেন সুপ্রীম । আত্মারা তো সবাই একরকম নয় । তারা নম্বরের ক্রমানুসারে হয়ে থাকে । প্রথমে সুপ্রীম শিববাবা তারপর বলা হবে লক্ষ্মী - নারায়ণ । ব্রহ্মা - সরস্বতীকে সুপ্রীম বলা হবে না । লক্ষ্মী - নারায়ণ হলো সম্পূর্ণ তারপর নম্বর অনুসারে একে অন্যের পিছনে আসতে থাকে । মুখ্য গায়ন হলো দেবতাদের । সবথেকে সুপ্রীম আত্মা শিববাবার, তারপর সূক্ষ্মবতনে ব্রহ্মা - বিষ্ণু এবং শঙ্কর, তারপর লক্ষ্মী - নারায়ণ, রাম - সীতা সবাই একের পর এক । নাটকেও অভিনেতার ক্রমানুসারেই থাকে । সবাই একরকম হয় না । বলা হবে, এর আত্মা সুপ্রীম অভিনেতা, আবার এ হলো পাই পয়সার অভিনেতা । সবথেকে একনম্বর সৃষ্টিকর্তা এবং নির্দেশক কে ? সর্বময় কর্তা হলেন এক পরমপিতা পরমাত্মা । এখন তোমরা সম্পূর্ণ নাটকের রহস্য জেনে গেছো । এ হলো বেহদের ড্রামা, তোমাদের সংক্ষেপে বোঝানো হয় । ঝাড়ের এই দেবী - দেবতা ধর্ম হলো ভিত । তারপর সেখান থেকে শাখাপ্রশাখা হিসেবে ইসলামী, বৌদ্ধ এবং খৃস্টান ধর্ম বের হয়েছে । এ এক ফুলদানীর মতো । এই ঝাড়ই সঠিক । বাকি এক এক ধর্মের পাতার গণনা করলে কতো হবে । ইসলামী, বৌদ্ধ সকলেরই ধর্মমত এবং সম্প্রদায় আলাদাকরে গণনা করা হয় । শিব ভোলানাথ এই জ্ঞান শোনান । বাকি ডমরু

ইত্যাদি বাজাবার কোনো কথা নেই। শাস্ত্রে যা মনে এসেছে তাই লিখে দিয়েছে। বাস্তবে হলো জ্ঞানের ডমরু, একে শঙ্খধ্বনিও বলা হয়। শঙ্খধ্বনি মুখের দ্বারা করা হয়। এ হলো জ্ঞানের মুরলী। বাবা এই ড্রামার আদি - মধ্য এবং অন্তের রহস্য বসে শোনান। আত্মা হলো বিন্দু সদৃশ, যাতে সারা পার্ট নিহিত রয়েছে। বাবা হলেন সৃষ্টিকর্তা। তিনি অভিনয়ও করেন। সবথেকে ভালো পার্ট তাঁর। নশ্বরের ক্রমানুসারেই তো হয়, তাই না। এই এক বাবাই হলেন সৃষ্টিকর্তা আর সকলেই পুনর্জন্মে আসে। ইনি কখনোই পুনর্জন্ম নেন না। এনার জন্ম হলো অলৌকিক। তোমরা জানো যে কিভাবে তিনি এসে প্রবেশ করেন। অন্য আত্মারাও তো এসে শরীরেই প্রবেশ করে। মনে করো কারোর স্ত্রীর আত্মা কারো মধ্যে প্রবেশ করলো। সে বললো আমি সুখী। কিন্তু তার শরীরকে তো আলিঙ্গন দিতে পারে না কারণ শরীর অন্যের। মনে হয়, এ আমার স্ত্রীর আত্মা, একে ডাকা হয়েছে। এমনভাবে অনেককেই ডাকা হয়। এখন তমোগুণী হয়ে গেছে তাই সঠিক বলতে পারে না। আত্মা কি জিনিস, কিভাবে সে আসে আর যায়। এটা এই নাটকে আগে থেকেই লিপিবদ্ধ আছে। এমন নয় যে আত্মা বেরিয়ে এখানে চলে আসে। আত্মা মরে যায়? তাও না। বাবা বলেন, মনোকামনা পূরণ করানোর জন্য আমি যে সাম্রাজ্যকার করাই তাও এই নাটকেই লিপিবদ্ধ আছে। তখন তাই হয়। প্রতি সেকেন্ড যে চলে যাচ্ছে তাও এই নাটকেই লিপিবদ্ধ। এ হলো বেহদের নাটক। বাবা হলো বিন্দু। এই বিন্দুকেই ভোলানাথ বলা হয়। এ কত আশ্চর্যের। বাবাও বলেন, আমি বিন্দুর মধ্যে কত পার্ট রয়েছে। এই কথা নতুন কারোর বুদ্ধিতেই বসে না। পুরানোদের মধ্যেও অনেকে বুঝতে পারে না। তাই কাউকে বোঝাতে গেলে দ্বিধায় পড়ে যায় যেমন রেডিওতে কোনো কথা বলতে গেলে দ্বিধায় পড়ে। এতে মুরলী অনেক ফুর্তির সঙ্গে চালাতে হবে। ওরা পড়ে শোনায়। এ হলো ওরালী। বাবাও সবকিছু ওরালী শুনিয়ে থাকেন। তোমাদের বুদ্ধিতে এখন ধারণা হচ্ছে। আগের কল্পেও তোমরা ধারণা গ্রহণ করে অনেক মানুষকে শুনিয়েছিলে। তারপর সেই জ্ঞান সমাপ্ত হয়ে গিয়েছিলো। এখন আবার তা রিপিট হবে। এই জ্ঞান কোনো সাধু - সন্তদের বুদ্ধিতে নেই। তারা পরমাত্মাকে সঠিক জানে না। তারা বলে দেয় আত্মা পরমাত্মার সঙ্গে মিশে যাবে। কিভাবে মিশে যাবে? এখন তোমাদের আত্মা জেনেছে যে আমাদের বাবা এসেছে। তিনি আমাদের জ্ঞান দিচ্ছেন। এরপর আমরা বাবার সাথে ঘরে ফিরে যাবো। এ বাচ্চারা তোমাদের রুহানী নেশা। এ হলো তোমাদের প্রবৃত্তি মার্গ। অনেকেই তোমাদের বলে যে তোমরা তো কুমার অথবা কুমারী। তোমাদের বিকারের অনুভবই নেই। আমরা তো গৃহস্থ জীবনে বিকারের মধ্যে থাকি। তোমরা আমাদের এই জ্ঞান কিভাবে দিতে পারো? আমরা তো যুগল, আমাদের ব্যাচেলর কিভাবে বোঝাতে পারবে? আমাদের তো যুগলই বোঝাবে যে অনুভবী। যারা বিকারে গিয়েছে, তারাই আমাদের বোঝাতে পারবে যে আমরা এইভাবে জয় করতে পেরেছি। বাবার কাছে এমন এমন পত্র আসে। কথা তো ঠিকই, এখন এমন অনুভবীকে দিয়ে পত্র লেখানো উচিত, যারা বিয়ে করেও পবিত্র আছে। কারোর আবার সন্তান আছে, তারপর পবিত্র হয়েছে। এমনভাবে আমাদের বোঝাও। জ্ঞান তো খুবই ভালো। কিন্তু কেউ তীক্ষ্ণভাবে বোঝাতে না পারলে আমি দ্বিধাগ্রস্ত হয়ে পড়ি। অনেক বিষয়ই সামনে আসে। তাহলে অনুভবী বোঝানোর লোক দরকার। এখন পত্রের দ্বারা তো কাউকে এমন বোঝাতে পারবে না। সামনে এসে দেখা করলে বাবাও বুঝিয়ে দেবেন। এমন অনেক যুগল আছে যারা নিজের অনুভব শোনাতে পারবে যে আমরা এমন প্রবৃত্তি মার্গে থেকে শ্রীমতের সম্পূর্ণ পালন করছি। খাবার - দাবারেরও সম্পূর্ণ সতর্কতা থাকা দরকার। বোঝানোর সঠিক লোক না থাকলে মানুষ ঝিমিয়ে পড়ে। সেবার জন্য বুদ্ধি থাকার প্রয়োজন। দেহী - অভিমাত্রী হতে হবে। কোনো ঘনিষ্ঠতায় আসা উচিত নয়। অনেক পরিশ্রমের প্রয়োজন। মায়া প্রতি মুহূর্তে ফাঁসিয়ে দেয়। কর্মাতীত অবস্থা এখন হবে না। অনেকেই একজন অন্যজনের নাম - রূপে

আটকে যায়। তারপর বাবাকে লেখেও না যে বাবা এমন এমন তুফান আসে। তারা সত্যিকথা বলে না। বাবাকে বললে বাবা যুক্তি বলে দেবে। কেউ কেউ সত্য কথাও বলে। শিববাবা তো সবকিছুই জানেন। তিনি বলেন, এমন কোনো চালচলন হলে ধর্মরাজের কাছে অনেক দণ্ড ভোগ করতে হবে। সারাদিন নানা খেয়াল চলতে থাকে। সেন্টারে আসে। বলে যে অমুকে খুব ভালো বোঝায়। কিন্তু ভিতরে দুর্বুদ্ধি থাকে। এখানে তো একের সাথে যোগ লাগাবার প্রয়োজন। বাবা ছাড়া দ্বিতীয় আর কেউ নয়। কেন অন্যের পিছনে পড়ে আছো? ধারণা না হলে বুদ্ধিও বিভিন্ন জায়গায় ঘুরতে থাকে তখন রায়ও জিঞ্জেস করে না। ভয় পায়। বাবা বলেন আমাকে স্মরণ করো। এই স্মরণের দ্বারাই তোমাদের বিকর্মের বিনাশ হবে। দুঃখ থেকে তোমরা মুক্ত হয়ে যাবে। মুক্তি তো সবাই চায়। দুঃখ থেকে মুক্ত হবে তারপর সুখের দুনিয়ায় আসবে। জীবনমুক্তি সকলের জন্য। কিন্তু প্রথমে মুক্তিতে গিয়ে তারপর জীবনমুক্তিতে আসতে হবে। আচ্ছা।

মিষ্টি মিষ্টি হারানিধি বাচ্চাদের প্রতি মাতা - পিতা, বাপদাদার স্মরণ - ভালোবাসা এবং সুপ্রভাত।
রুহানী বাবার রুহানী বাচ্চাদের নমস্কার।

ধারণার জন্য মুখ্য সার :--

১) বাবার মতো জ্ঞানের শঙ্খধ্বনি করতে হবে। কেবল পড়ে শোনালেই হবে না। নিজে ধারণ করে অন্যকে বোঝাতে হবে।

২) খাওয়া - দাওয়াতে অনেক সতর্কতা রাখতে হবে। শ্রীমতের পালন করে প্রবৃত্তিতে থেকে কিভাবে পবিত্র থাকতে হয়, সেই অনুভব অন্যকে শোনাতে হবে।

বরদান :- সঙ্গমযুগের গুরুস্বকে জেনে স্নেহের অনুভূতিতে মিশে গিয়ে সম্পূর্ণ জ্ঞানী - যোগী হও।

সঙ্গম যুগ হল পরমাত্ম স্নেহের যুগ। এই যুগের গুরুস্বকে জেনে স্নেহের অনুভূতিতে বিলীন হও। স্নেহের সাগর এখন স্নেহের হীরে, মোতিতে থালা ভরপুর করে দিচ্ছেন, তাই নিজেকে সদা ভরপুর করো। অল্প অনুভবে খুশী হয়ে যেও না, সম্পন্ন হও। এই পরমাত্ম প্রেমের হীরে - মোতি হলো অমূল্য, এতেই সর্বদা সজ্জিত থাকো কেননা এই স্নেহই হলো যোগ, আর এই স্নেহে বিলীন হওয়াই সম্পূর্ণ জ্ঞান। এমন রুহানী স্নেহের সদা অনুভবকারীই হলো সম্পূর্ণ জ্ঞানী আর যোগী।

স্নোগান :- যে ব্যর্থের অনুভবের ঊর্ধ্বে থাকে সে-ই মায়াজিত হতে পারে।